



*Agency for Development of Higher Education and Quality Assurance of Bosnia and Herzegovina*

Broj: 05-33-1-328-12/23

Datum: 15.01.2024. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije studijskih programa prvog i drugog ciklusa studija Tehnološkog fakulteta Univerziteta u Tuzli, na osnovu prijedloga Ministarstva obrazovanja i nauke Tuzlanskog kantona, direktor Agencije za razvoj visokog obrazovanja i osiguranje kvaliteta Bosne i Hercegovine donosi

### **R J E Š E N J E**

**o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o klsterskoj akreditaciji studijskih programa prvog i drugog ciklusa studija Tehnološkog fakulteta Univerziteta u Tuzli**

1. Imenuje se Komisija domaćih i međunarodnih stručnjaka za ocjenjivanje i reviziju kvaliteta i davanje preporuke o klsterskoj akreditaciji **studijskih programa prvog i drugog ciklusa studija Tehnološkog fakulteta Univerziteta u Tuzli** (u daljem tekstu: Komisija stručnjaka), u sljedećem sastavu:
  - 1) Prof.dr Ibrahim Plančić, stručnjak iz reda akademske zajednice BiH, predsjednik
  - 2) Prof. dr. Damir Magdić, međunarodni stručnjak, član
  - 3) Ševal Đulović, stručnjak iz reda privrede i prakse, član
  - 4) Belma Islamović, student, član
2. Klaster studijskih programa prvog i drugog ciklusa studija Tehnološkog fakulteta Univerziteta u Tuzli, obuhvata sljedeće studijske programe:
  - Inženjerstvo zaštite okoline, I ciklus
  - Inženjerstvo zaštite okoline, II ciklus
  - Hemijsko inženjerstvo i tehnologija, I ciklus
  - Hemijsko inženjerstvo i tehnologija, II ciklus
3. Komisija stručnjaka iz tačke 1. u postupku akreditacije studijskih programa u klasteru postupat će na osnovu Okvirnog zakona o visokom obrazovanju u Bosni i Hercegovini (u daljem tekstu: Okvirni zakon), Odluke o normama kojima se određuju minimalni standardi u području visokog obrazovanja („Službeni glasnik BiH“, broj 100/11 i 26/19) (u daljem tekstu: Odluka o normama), Odluke o kriterijima za akreditaciju studijskih programa prvog i drugog ciklusa studija u Bosni i Hercegovini („Službeni glasnik BiH“, br. 47/17), kao i propisima nadležne obrazovne vlasti usklađenim sa propisima Agencije kojima je uređen proces akreditacije studijskih programa.

4. Komisija stručnjaka dužna je konačni Izvještaj o eksternoj evaluaciji studijskih programa dostaviti Agenciji u skladu sa propisima nadležne obrazovne vlasti koja je predložila imenovanje Komisije stručnjaka.
5. Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije stručnjaka kojim se preciznije razrađuju prava i obaveze ugovornih strana.
6. Rješenje stupa na snagu danom donošenja.

### **O b r a z l o ž e n j e**

Agencija za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija) je od Ministarstva obrazovanja i nauke Tuzlanskog kantona zaprimila Prijedlog članova Komisije domaćih i međunarodnih stručnjaka za klastersku akreditaciju studijskih programa prvog i drugog ciklusa studija Tehnološkog fakulteta Univerziteta u Tuzli, broj: 10/1-34-015166-1/23 od 07.07.2023. godine, sa sljedećim priložima: Zahtjev za klastersku akreditaciju studijskih programa prvog i drugog ciklusa studija Univerziteta u Tuzli, broj: 01-3686-1/23 od 26.06.2023. godine; Odluku Senata o usvajanju samoevaluacijskog izvještaja; Samoevaluacijski izvještaj sa priložima (jedna štampana verzija i elektronska verzija na USB stiku, na jednom od službenih jezika u BiH) i Ovlaštenje osobe za komunikaciju sa Ministarstvom, Agencijom i Komisijom. Na osnovu navedenog Prijedloga, Agencija je nakon utvrđivanja dostupnosti i nepostojanja sukoba interesa predloženih članova, donijela Rješenje o imenovanju Komisije stručnjaka, koje je dostavila i nadležnom ministarstvu koje u skladu sa svojim nadležnostima, sa svakim članom Komisije stručnjaka zaključuje ugovor kojim se preciznije razrađuju prava i obaveze ugovornih strana. U svom aktu broj: 10/1-34-015166-3/23 od 20.11.2023. godine Ministarstvo obrazovanja i nauke Tuzlanskog kantona, dostavilo je Agenciji informaciju da je nakon što su dostavili svim članovima Komisije stručnjaka nacрте ugovora o djelu za obavljanje poslova u postupku akreditacije, svi članovi, osim predstavnika iz reda privrede i prakse, odustali su od članstva u istoj. Na osnovu svega navedenog, shodno nadležnostima Agencije, a imajući u vidu navedeni akt nadležnog ministarstva iz kojeg je jasno da imenovani članovi Komisije neće učestvovati u radu iste, Agencija je donijela Rješenje o stavljanju van snage Rješenja o imenovanju Komisije stručnjaka, akt broj: 05-33-1-328-9/23 od 01.12.2023. godine.

Ministarstvo obrazovanja i nauke Tuzlanskog kantona je u svom aktu broj: 10/1-34-15166-4/23, protokolisanom u Agenciji pod brojem: 05-33-1-328-11/23, 26.12.2023. godine, dostavilo Agenciji novi prijedlog članova Komisije stručnjaka u sastavu, navedenom u tački 1. ovog Rješenja.

Cijeneći sadržaj podnesenog prijedloga, a postupajući u skladu s Instrukcijom o načinu imenovanja komisije stručnjaka za akreditaciju, broj: 05-02-1-71-1/16 od 28.01.2016. godine Agencija je utvrdila da se predloženi članovi Komisije stručnjaka nalaze na utvrđenoj Listi stručnjaka.

Komisija stručnjaka u postupku akreditacije navedenih studijskih programa u klasteru dužna je primjenjivati Okvirni zakon kojim su propisane nadležnosti učesnika u postupku akreditacije, Odluku o normama kojom je detaljnije regulisan način rada komisije stručnjaka i sadržaj Izvještaja o eksternoj evaluaciji, Odluku o kriterijima za akreditaciju studijskih programa prvog i drugog ciklusa studija u Bosni i Hercegovini kojom su utvrđeni kriteriji čiju ispunjenost provjerava prilikom posjete studijskim programima, a što detaljno opisuje u svom Izvještaju, kao i propise nadležne obrazovne vlasti Tuzlanskog kantona kojima je uređen proces akreditacije studijskih programa.

Odlukom o normama propisano je da vanjsko osiguranje kvaliteta treba biti organizirano tako da se odluke o kvalitetu donose nezavisno od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, izbjegavajući bilo koji sukob interesa. Slijedom navedenog, imenovana Komisija stručnjaka, kao nezavisno tijelo, dužna je sačiniti Izvještaj o eksternoj evaluaciji koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku.


Konačan Izvještaj o eksternoj evaluaciji studijskih programa, Komisija stručnjaka dužna je dostaviti Agenciji u skladu sa propisima nadležne obrazovne vlasti koja je predložila imenovanje Komisije stručnjaka. Na osnovu dostavljenog Izvještaja o eksternoj evaluaciji, u kojem je sadržano mišljenje Komisije stručnjaka o ishodu akreditacije navedenih studijskih programa, Agencija daje preporuku o ishodu akreditacije nadležnoj obrazovnoj vlasti koja donosi rješenje o ishodu akreditacije studijskih programa.

Za poslove koordinacije postupka se određuje Maja Macan, viši stručni saradnik za osiguranje kvaliteta.

Ovo Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije stručnjaka kojim će se preciznije regulisati prava i obaveze ugovornih strana.

**Pravna pouka:**

Protiv ovog Rješenja može se izjaviti prigovor direktoru Agencije u roku od 8 dana od dana prijema.



**DIREKTOR**

*Prof. dr Enes Hašić*  
**Prof. dr Enes Hašić**

**Dostavljeno:**

1. Imenovanim članovima Komisije stručnjaka, via e-mail
2. Ministarstvo obrazovanja i nauke Tuzlanskog kantona
3. Univerzitetu u Tuzli
4. Sektoru 05
5. a/a

